



USAID
OD AMERIČKOG NARODA

JAVNI POZIV ZA UČEŠĆE JEDINICA LOKALNE SAMOUPRAVE U BiH Poziv II

Oznaka poziva:	20.04.0-N2.1-5169
Naziv poziva:	Podrška marginaliziranim grupama žena i pripadnicima drugih marginaliziranih grupa u razvoju biznisa
Rok za slanje prijave na javni poziv:	5. 12. 2022. do 16.00 sati

Javni poziv za učešće jedinica lokalne samouprave

Program podrške zaštiti ljudskih prava (**USAID/INSPIRE**)¹ Američke agencije za međunarodni razvoj (USAID) poziva jedinice lokalne samouprave (JLS) u Bosni i Hercegovini da se prijave na Javni poziv za podršku u implementaciji drugog ciklusa komponente za **Podršku marginaliziranim grupama žena i pripadnicima drugih marginaliziranih grupa u razvoju biznisa**. Jedinice lokalne samouprave koje već učestvuju u prvom ciklusu Podrške programa USAID/INSPIRE nemaju mogućnost prijave na ovaj Javni poziv.

Jedinice lokalne samouprave prijavljuju se za stručnu i tehničku podršku USAID/INSPIRE-a u procesu direktne dodjele sredstava marginaliziranim grupama žena i pripadnicima drugih marginaliziranih grupa u pokretanju vlastitih biznisa. Pri tome, USAID/INSPIRE će za svaku 1 KM koju izdvaja jedinica lokalne samouprave, također izdvojiti 1 KM, čime se sredstva udružuju u **Preduzetnički fond za marginalizirane grupe žena i pripadnike drugih marginaliziranih grupa**.

Sva pitanja koja se tiču ovog javnog poziva dostavljaju se isključivo putem e-mail adrese: prijava@usaidinspire.ba (subject/predmet: 20.04.0-N2.1-5169, Upit).

Tekst Javnog poziva kao i obrazac prijave dostupni su na online platformi za upravljanje grantovima na linku: <https://KULT.smapply.io/res/p/komponenta3>.

Od aplikanta se traži da **do 5. 12. 2022. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će trebati popuniti sve podatke o svojoj JLS i odabrati komponentu na koju apliciraju unutar programa USAID/INSPIRE. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

Napomena: Svi potencijalni aplikanti trebaju pristupiti registraciji na online platformi za upravljanje grantovima KULT/APPLY čim prije, kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/inspire>. Molimo vas da taj link spasite u svoje kratice (*bookmarks*) ako namjeravate aplicirati na USAID/INSPIRE sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnicke-instrukcije/>.

USAID/INSPIRE će putem platforme KULT/APPLY obavijestiti sve prijavljene JLS o ishodu Javnog poziva.

¹ Kroz program USAID/INSPIRE, USAID osnažuje građane i vlasti u BiH kako bi unaprijedili zaštitu ljudskih prava, te pružili bolje usluge i prilike za zapošljavanje marginaliziranim grupama žena i pripadnicima drugih marginaliziranih grupa u Bosni i Hercegovini.

Pozadina

Iako međunarodna zajednica već dugo vremena podržava aktivnosti koje olakšavaju uključivanje marginaliziranih grupa žena i pripadnika drugih marginaliziranih grupa, vlasti i bosanskohercegovačko društvo često zanemaruju i ignoriraju potrebe i prava ovih grupa, a posljedice ovakvog položaja dovode i do njihove isključenosti iz svakodnevnog društvenog i kulturnog života, kao i do nezavidnog položaja u bh. preduzetništvu, ekonomiji i privredi.

Svaki čovjek rođenjem stječe neotuđiva i univerzalna prava koja osiguravaju dostojanstvo i jednakosti svih ljudskih bića. Nepoštivanje osnovnih ljudskih prava navedenih grupa, dodatno doprinosi negativnim posljedicama društvenih razlika, socijalnoj isključenosti i nejednakim mogućnostima za zapošljavanje.

Ekonomsko osnaživanje marginaliziranih grupa žena i pripadnika drugih marginaliziranih grupa doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti. U tom smjeru, relevantne institucije, organizacije i međunarodna zajednica u Bosni i Hercegovini, kao i organizacije bh. dijaspore u svijetu trebaju dodatno saradivati.

Okvir

Program podrške zaštiti ljudskih prava (USAID/INSPIRE) Američke agencije za međunarodni razvoj (USAID) poziva jedinice lokalne samouprave u Bosni i Hercegovini da dostave prijavu na Javni poziv za podršku u implementaciji drugog ciklusa Podrške marginaliziranim grupama žena i pripadnicima drugih marginaliziranih grupa u razvoju biznisa.

USAID/INSPIRE objavljuje javni poziv jedinicama lokalne samouprave za iskazivanje interesa za učešće u provođenju programa za podršku razvoju biznisa osoba žrtava nasilja, samohranih roditelja, nezaposlenih mladih do 30 godina starosti, osoba s invaliditetom ili osoba koje imaju dijete s invaliditetom, dugoročno nezaposlenih osoba, te osoba koje su na neki drugi način marginalizirane, doprinoseći konkurentnosti lokalnih ekonomija i stvaranju mogućnosti za zapošljavanje teško zapošljivih kategorija. USAID/INSPIRE i jedinica lokalne samouprave udruženim će sredstvima formirati **Preduzetnički fond za marginalizirane grupe žena i pripadnike drugih marginaliziranih grupa**. Specifične ciljne grupe će biti određene za svaku JLS pojedinačno, a udio broja biznisa koje pokreću žene, kao i iznos sredstva iz Fonda dodijeljen ženama, treba biti najmanje 50%.

USAID/INSPIRE će zajedno sa svim odabranim jedinicama lokalne samouprave pripremiti zajednički okvirni koncept koji će se koristiti kao model podrške. Nakon toga će USAID/INSPIRE podržati jedinice lokalne samouprave u provođenju definiranog modela. U svakoj od jedinica lokalne samouprave USAID/INSPIRE će održati radionice o pisanju poslovnih planova, načinu popunjavanja prijave i instrukcijama za ciljnu grupu. USAID/INSPIRE će za predstavnike svih odabranih JLS iz službi i odjela koji se bave ekonomskim razvojem, organizirati radionice jačanja kapaciteta u oblasti podrške razvoju biznisa marginaliziranih grupa žena i pripadnika drugih marginaliziranih grupa. Također, USAID/INSPIRE će podržati svaku odabranu JLS u kreiranju Strategije podrške razvoju poslovnog sektora. USAID/INSPIRE će za potrebu realizacije aktivnosti namijenjenih jačanju organizacijskih kapaciteta jedinica lokalne samouprave izdvojiti vlastita sredstva, koja ne podrazumijevaju sredstva uložena u formiranje Preduzetničkog fonda za marginalizirane grupe žena i pripadnike drugih marginaliziranih grupa.

Kriteriji i procedure za apliciranje

Javni poziv je otvoren svim jedinicama lokalne samouprave u Bosni i Hercegovini koje ispunjavaju svih pet sljedećih kriterija:

- JLS osigurat će sredstva za Preduzetnički fond za marginalizirane grupe žena i pripadnike drugih marginaliziranih grupa u jednakom ili većem iznosu u odnosu na iznos koji traži od strane USAID/INSPIRE-a, s tim da je iznos vlastitog učešća, odnosno iznos koji traži od USAID/INSPIRE-a **najmanje 30.000 KM, a najviše 50.000 KM.**
- JLS je spremna **primijeniti model podrške** (koji je razvijen ranije s drugim JLS-ima u BiH, a koji će biti dodatno unaprijeđen), objaviti javni poziv za navedene ciljne grupe i osigurati budžetska sredstva za Preduzetnički fond za marginalizirane grupe žena i pripadnike drugih marginaliziranih grupa za podršku odabranim biznisima u toku 2023. godine.
- Predstavnici JLS iz službi i odjela koje se bave lokalnim ekonomskim razvojem spremni su učestvovati u **radionicama jačanja kapaciteta** u oblasti podrške razvoju biznisa navedenih ciljnih grupa, a koje će organizirati USAID/INSPIRE.
- JLS spremna je uz podršku USAID/INSPIRE-a razviti **Strategiju podrške razvoju poslovnog sektora.**
- JLS spremna je **nastaviti koristiti model podrške** i nakon završetka zvanične saradnje s USAID/INSPIRE-om, uvođenjem nove budžetske linije za podršku ciljnim grupama.

Jedinice lokalne samouprave koje već učestvuju u prvom ciklusu Podrške programa USAID/INSPIRE nemaju mogućnost prijave na ovaj Javni poziv.

JLS se popunjavanjem i slanjem **PRIJAVE NA JAVNI POZIV** putem platforme KULT/APPLY prijavljuju za učešće u programu.

Jedinice lokalne samouprave osigurat će da ugledni predstavnici lokalnog poslovnog sektora budu uključeni u proces odabira biznisa koji se prijave po javnom pozivu jedinice lokalne samouprave, kao i da budu spremni pružiti savjetodavnu podršku korisnicima tokom procesa podrške.

Predstavnik USAID/INSPIRE-a bit će uključen u komisiju za odabir biznisa koji će biti podržani programom.

Modalitet procesa upravljanja sredstvima, praćenja provođenja poslovnih planova kao i izvještavanja bit će zajednički definiran između odabranih JLS i USAID/INSPIRE-a.

Najmanji iznos koji se traži od USAID/INSPIRE-a od strane jedinice lokalne samouprave je 30.000 KM, a najviši 50.000 KM.

USAID/INSPIRE će provesti finansijsku provjeru podržanih biznisa, a u slučaju potrebe može provesti i finansijsku reviziju.



USAID
OD AMERIČKOG NARODA

Potpisivanje trogodišnjih ugovora između USAID/INSPIRE-a i odabranih JLS bit će upriličeno u januaru/februaru 2023., a jedinice lokalne samouprave obavezne su raspisati javni poziv za biznise marginaliziranih grupa žena i pripadnika drugih marginaliziranih grupa u roku koji će biti definiran ugovorom.

Sva **pitanja** koja se tiču ovog javnog poziva dostavljaju se isključivo putem e-mail adrese: prijava@usaidinspire.ba (subject/predmet: 20.04.0-N2.1-5169, Upit).

Rok za dostavljanje prijave na javni poziv

Od aplikantata se traži da **do 5. 12. 2022. do 16.00 sati** dostave prijavu u elektronskom obliku, nakon što se registruju kao organizacija (*organisation*) na online platformi za upravljanje grantovima KULT/APPLY. U sklopu aplikacije će trebati popuniti sve podatke o svojoj jedinici lokalne samouprave i odabrati komponentu na koju apliciraju unutar programa USAID/INSPIRE. Nakon apliciranja će odmah dobiti automatski e-mail kao potvrdu o prijemu aplikacije. Prijave koje ne budu dostavljene na navedeni način i do navedenog roka neće biti uzete u razmatranje.

Napomena: Svi potencijalni aplikanti trebaju pristupiti registraciji na online platformi za upravljanje grantovima APPLY čim prije, kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/inspire>. Molimo vas da taj link spasite u svoje kratice (*bookmarks*) ako namjeravate aplicirati na USAID/INSPIRE sada ili u budućnosti, a detaljne instrukcije o procesu registracije možete pronaći na linku: <https://kult.smapply.io/res/p/tehnicke-instrukcije/>.

Prijave koje ne budu dostavljene na način opisan u Javnom pozivu neće biti uzete u razmatranje. Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

Ishod javnog poziva

Nakon što Komisija ocijeni i rangira sve pristigle prijave, USAID/INSPIRE će putem platforme KULT/APPLY obavijestiti sve prijavljene jedinice lokalne samouprave o ishodu Javnog poziva.

One prijave koje budu pozitivno ocijenjene ulaze u fazu pregovora i fazu potpisivanja ugovora.